

Na osnovu člana 74. tačke 20. Statuta Sarajevske berze-burze vrijednosnih papira d.d. Sarajevo, na prijedlog Uprave Berze, Nadzorni odbor Berze donosi

## CJENOVNIK SARAJEVSKE BERZE – BURZE DD SARAJEVO

- Neslužbeni prečišćeni tekst -

*Neslužbeni prečišćeni tekst obuhvata Cjenovnik broj: br. 260/13, te njegove izmjene i dopune broj: 02-22/17 02-1/19 i 02-6/24. Ovaj dokument je izrađen isključivo u svrhu pomoćnog materijala, te isti ne predstavlja službeni dokument.*

---

### **NAKNADE ZA ČLANOVE**

#### **Član 1.**

Jednokratna pristupnina za prijem u članstvo **50.000,00 KM**  
*(Plaća se samo za prijem novog člana)*

Godišnja članarina:

- članovi koji su i dioničari **2.400,00 KM**
- samo članovi **12.000,00 KM**

Godišnja članarina se uplaćuje u jednakim mjesečnim iznosima.

Jednokratna naknada za priključenje na sistem BIS **5.000,00 KM**  
*(Plaća se samo uz priključenje člana na sistem BIS)*

### **NAKNADE ZA KOTACIJU VRIJEDNOSNIH PAPIRA**

#### **Član 2.**

#### **Naknada za odlučivanje o prijemu**

Naknada za odlučivanje o prijemu dionica u berznu kotaciju iznosi **1.000,00 KM**.

Naknada za odlučivanje o prijemu drugih vrijednosnih papira u berznu kotaciju iznosi **500,00 KM**.

#### **Član 3.**

#### **Naknada za prijem dionica u berznu kotaciju**

Naknada za uvrštenje dionica u berznu kotaciju iznosi **2.500,00 KM**, s tim da je u ovo cijenu uključena i naknada iz člana 2. stava 1. ovog Cjenovnika

#### **Obveznice i drugi vrijednosni papiri**

#### **Član 4.**

Naknada za uvrštenje obveznica i drugih vrijednosnih papira iznosi **1.000,00 KM**, s tim da je u ovu cijenu uključena i naknada iz člana 2. stav 2. ovog Cjenovnika

**Član 5.**

Naknada za uvrštenje u Kotaciju kratkoročnih vrijednosnih papira–trezorskih zapisa čiji emitent je Federacija BiH će se urediti ugovorom između emitenta i Berze.

**Naknada za održavanje kotacije dionica**

**Član 6.**

Godišnja naknada za održavanje kotacije prve klase dionica iznosi **6.000,00 KM**.

Naknada iz prethodnog stava neće se fakturirati u prvoj godini.

Naknada za održavanje kotacije za drugu i svaku sljedeću klasu dionica emitenta iznosi **3.500,00 KM**.

**Godišnje održavanje kotacije obveznica**

**Član 7.**

Naknada važi za pojedinu emisiju obveznica, koja je uvrštena u berznu kotaciju a računa se istekom svake godine berzne kotacije. Ako konačna isplata obveznice zapadne 6 mjeseci prije isteka pune godine kotacije, berza uračunava polovičan iznos godišnje naknade za održavanje kotacije.

Naknada za održavanje kotacije za prvu i svaku sljedeću emisiju obveznica:

| Vrijednos emisije u KM | Iznos naknade u KM |
|------------------------|--------------------|
| do 10.000.000,00       | <b>3.500,00</b>    |
| preko 10.000.000,00    | <b>5.000,00</b>    |

**Godišnje održavanje Kotacije drugih vrijednosnih papira**

**Član 8.**

Godišnja naknada za održavanje kotacije drugih vrijednosnih papira iznosi **3.000,00 KM**.

Naknada iz prethodnog stava neće se fakturirati u prvoj godini kotacije.

**Vrijednosni papiri, Federacije BiH**

**Član 9.**

Naknada za prijem obveznica FBiH u berznu kotaciju iznosi:

- prilikom prijema prve serije iste obveznice **4.000,00 KM**

**Član 10.**

Naknada za održavanje kotacije obveznica FBiH iznosi **3.000,00 KM** i uračunava se jednom godišnje, po isteku svake godine berzne kotacije (visina naknade važi za pojedinu obveznicu FBiH, bez obzira na broj serija obveznice). Ako isplata obveznica padne 6 mjeseci prije isteka pune godine kotacije, berza uračunava polovinu iznosa godišnje naknade za održavanje kotacije.

## **Troškovi postupka u slučaju izrečene mjere zbog kršenja obaveza emitenta**

### **Član 11.**

Kada Odbor za prijem donese mjeru u skladu sa Pravilima Berze, emitent je dužan nadoknaditi paušalne troškove tog postupka u visini **1.000,00 KM**.

Kada Nadzorni odbor Berze razmatra žalbu emitenta vrijednosnih papira, kome je Odbor za prijem izrekao mjeru po odredbama iz Pravila Berze, emitent je dužan poravnati paušalne troškove postupka u visini **1.000,00 KM**.

Emitent u slučaju iz stava 2. nije dužan poravnati paušalne troškove, ako Nadzorni odbor odluči, da je žalba emitenta osnovana.

## **NAKNADE ZA UVRŠTAVANJE DIONICA INVESTICIONIH FONDOVA (IF) NA KOTACIJU - PRIJEM I TRGOVANJE**

### **Naknada za razmatranje zahtjeva i godišnje održavanje trgovanja**

#### **Član 12.**

Naknada za postupak razmatranja zahtjeva za uvrštenje u kotaciju, uračunava se u iznosu od **4.000,00 KM**,

Godišnje održavanje trgovanja preko BTS iznosi **4.000,00 KM**

### **Promjene osnovnog kapitala po uvrštavanju na kotaciju**

#### **Član 13.**

Svaku promjenu osnovnog kapitala emitenta, koja posljedično prouzrokuje promjenu broja dionica, sa kojim se trguje na Berzi, Berza po predhodno donesenoj odluci obzirom na promijenjeni broj dionica, javno objavljuje i za to uračunava **200,00 KM**.

## **PROVIZIJA ZA SKLAPANJE POSLOVA**

#### **Član 14.**

Proviziju za sklapanje poslova plaćaju i kupac i prodavac vrijednosnog papira u iznosu kako slijedi:

Berzna provizija za dionice iznosi **0,15%** od vrijednosti posla;

Berzna provizija za obveznice iznosi **0,10%** od vrijednosti posla;

Berzna provizija za druge vrijednosne papire iznosi **0,10%** od vrijednosti posla;

Troškovi poništenja posla iznose **25,00 KM** za posao, a plaća ih inicijator;

## **PROVIZIJA ZA PRIJAVLJIVANJE VANBERZANSKIH POSLOVA**

#### **Član 15.**

Berzna provizija za prijavljivanje kupovine/prodaje paketa dionica, u smislu Pravilnika o posredovanju u poslovima s vrijednosnim papirima iznosi **0,20%** od vrijednosti zaključenog posla.

Proviziju iz stava 1. plaća kupac i prodavac.

Provizija za vanberzanske transakcije, u smislu Pravilnika o posredovanju u poslovima s vrijednosnim papirima, koje se prijavljuju Berzi u skladu sa Uputstvom o prijavljivanju kupovine i prodaje vrijednosnih papira zaključenih izvan Berze, iznosi **0,15%** od vrijednosti prijavljenog posla, plaćaju je i kupac i prodavac.

#### **Član 15a.**

Provizija za prijavu transakcija zaključenih preko OTC tržišta, u smislu Pravilnika o posredovanju u poslovima sa vrijednosnim papirima, koje se Berzi prijavljuju u skladu sa „Uputstvom o prijavi kupovine i prodaje vrijednosnih papira zaključenih izvan Berze kao i prijavi poslova sa vrijednosnim papirima preko OTC tržišta“, iznosi:

- za kratkoročne vrijednosne papire i instrumente tržišta novca: **0,01%** od vrijednosti posla, a plaćaju je i kupac i prodavac;
- za dužničke vrijednosne papire zatvorenih dioničkih društava kao i društava ograničene odgovornosti iznosi **0,1%**, a plaćaju je i kupac i prodavac.

### **PROVIZIJA ZA PRIMARNU EMISIJU PUTEM BERZE**

#### **Član 16.**

Provizija za provođenje primarne emisije vrijednosnih papira putem Berze plaća se u iznosu **0,05%** od vrijednosti posla i naplaćuje se od kupca i prodavca.

Naknada za organizovanje primarne emisije vrijednosnih papira putem Berze iznosi **2.500,00 KM** i plaća je prodavac.

### **KRA TKOROČNI VRIJEDNOSNI PAPIRI**

#### **Član 17.**

Berzna provizija za poslove, sklopljene sa kratkoročnim vrijednosnim papirima, iznosi **0,01%** od vrijednosti posla, a plaćaju je kupac i prodavac.

### **NAKNADA ZA VANREDNE AUKCIJE**

#### **Član 18.**

Naknada za organizovanje vanrednih aukcija iznosi **1000,00 KM** paušalno.

Berzanska provizija za poslove zaključene na vanrednoj aukciji iznosi **0,2%** od vrijednosti transakcije za dionice.

#### **Član 18a.**

Za organizovanje aukcija za trgovinu dionicama Berze i profesionalnih posrednika, fiksna naknada za organizovanje aukcije iznosi **500,00 KM**.

Varijabilna naknada na vrijednost posla je ista kao kod redovne trgovine dionicama putem Berze.

Ukoliko je klijent dioničar Berze oslobođen je plaćanja fiksne naknade za organizovanje aukcije iz prethodne tačke.

## **NAKNADE ZA PRIKLJUČENJE I KORIŠTENJE BERZNE KOMUNIKACIJSKE MREŽE**

### **Član 19.**

Mjesečna naknada usluge BTS-a, obzirom na broj radnih stanica iznosi:

Za prvu radnu stanicu **200, 00 KM,**

Za drugu radnu stanicu i svaka sljedeća **100,00 KM.**

### **Član 20.**

Mjesečna naknada za usluge - Pregled trgovanja, obzirom na broj radnih stanica iznosi:

Za prvu radnu stanicu **100,00 KM,**

Za drugu i svaku sljedeću **50,00 KM.**

### **Član 21.**

Mjesečna naknada za usluge Berza Net-a iznosi **50,00 KM.**

## **NAKNADA ZA KORIŠTENJE BERZANSKIH INDEKSA**

### **Član 22.**

Mjesečna naknada usluge pristup sistemu, unos naloga i trgovanje putem API-a (aplikacijskih programskih interfejsa) ili FIX protokola za članove Berze iznosi 2.000,00 KM." (Ovo podrazumjeva unos naloga i trgovanje putem aplikacijskih programskih interfejsa (API) ili FIX protokola za komunikaciju sa trgovačkim sistemom bez korištenja aplikacije i stanice za trgovanje koju instalira berza (Trading Workstation).

### **Član 23.**

Mjesečna naknada usluge korištenja i distribucija podataka berze putem API-a ili FIX protokola iznosi 200,00 KM.

### **Član 24.**

Naknada za uspostavu, pristup i korištenje testnog sistema za trgovanje Berze sa tehničkom podrškom na zahtjev člana iznosi 100,00 KM po satu efektivnog korištenja." (Testni sistem se koristi za potrebe testiranja novih trgovačkih aplikacija i novih verzija trgovačkog sistema koje IT sektor razvija u okviru redovnih aktivnosti i plana rada i berza besplatno omogućuje pristup testnom sistemu ukoliko berza razvije nove mogućnosti trgovačkog sistema za koje postoji potreba dodatnog upoznavanja i obuke kako uposlenika berze tako i brokera. (npr. Uspostava novog sistema sa prekidbenim aukcijama, uspostava novog sistema vođenja revizionog traga itd).

Svi drugi zahtjevi člana su vanrednog tipa i berza mora da alocira resurse u vidu servera, uspostave testnog okruženja, osoblja, tehničkih pojašnjenja, obuka što dodatno oduzima vrijeme od redovnih aktivnosti i plana itd...)

### **Član 25.**

Iznos naknade za korištenje berzanskih indeksa u svrhu redupliciranja njihove strukture i upotrebu imena indeksa u komercijalne svrhe za investicijske fondove i ostala pravna i fizička lica određuje ugovorom između Berze i korisnika i predstavljaju poslovnu tajnu za treća lica.

## **DRUGE PRATEĆE FINANSIJSKE USLUGE**

### **Član 26.**

Član Berze kome je izrečena neka od mjera u skladu sa Pravilima Berze, plaća i paušalne troškova postupka u iznosu od **250,00 KM**.

### **Član 27.**

Cijena prateće finansijske usluge posmatračka stanica (SASE OBS) iznosi **140,00 KM ili 75 Eura** po mjesecu korištenja.

Cijena usluge posmatračke stanice (SASE OBS) na bazi vremenskog pristupa iznosi 3,00 KM po satu pristupa i u cijenu je uračunat PDV. Vremenski pristup podrazumjeva zakup željenog broja sati korištenja usluge. Zakupljeni sati se mogu koristiti parcijalno bez mjesečnog ili godišnjeg ograničenja i vrijede sve dok se ne iskoriste. Obračunska jedinica korištenja iznosi 5 (pet) sekundi i obračunavaju se samo u periodu kada se usluga koristi.

### **Član 28.**

Berza ima fond sigurnosti u koji članovi Berze uplaćuju doprinose srazmjerno u jednakim iznosima od po 1.500,00 konvertibilnih maraka.

Iznos iz stava 1. ovog člana član Berze je dužan uplatiti u roku od 15 dana po prijemu u članstvo Berze.

Fond sigurnosti može se koristiti za plaćanje dugova članova Berze samo u slučaju prestanka članstva u Berzi, stečaja ili likvidacije člana Berze.

U slučajevima iz stava 3. ovog člana, Berza ima pravo odvojenog namirenja svojih potraživanja od člana.

### **Član 29.**

Za prateću finansijsku uslugu izrade izvještaja kao i potvrda o podacima iz berzanskog trgovinskog sistema (BTS), određuju se naknade, kako slijedi:

a) Potvrda o podacima iz BTS-a:

- Potvrda o cijeni vrijednosnog papira (izuzimajući potvrde u okviru ponuda za preuzimanje): 100,00 KM,
- Potvrda o cijeni vrijednosnog papira (vanberzanske transakcije): 100,00 KM,
- Potvrda o statusu uvrštenja određenog vrijednosnog papira: 100,00 KM,
- Ostale potvrde o vrijednosnim papirima za emitente, advokate i sudske vještake: 100,00 KM,
- Informacije i obrazloženja o zaključenim transakcijama, prometu određenog simbola i statusu vrijednosnog papira na SASE: 100,00 KM,
- Potvrda o uvrštenju vrijednosnih papirima za potrebe predaje finansijskog izvještaja FIA ako emitent ima ugovor o objavama putem berze: bez naknade.
- Potvrda o uvrštenju vrijednosnih papirima za potrebe predaje finansijskog izvještaja FIA ako emitent nema ugovor o objavama putem berze: 100,00 KM.
- Potvrde fizičkim licima o cijeni vrijednosnih papira (ukoliko vrijednost vrijednosnih papira koje posjeduje prelazi iznos 1.000,00 KM): 60,00 KM.
- Potvrde ostalim fizičkim licima o cijeni vrijednosnog papira (u nekomercijalne svrhe): 20,00 KM,

- b) Statistički pregledi trgovine:
- Mjesečni izvještaj za periode koji nisu obuhvaćeni redovnim mjesečnim izvještajima SASE:
    - i. Sumarni podaci (ukupan promet KM, ukupan promet VP, ukupan broj transakcija, promjena vrijednosti indeksa i tržišne kapitalizacije, zbirni prometi po simbolu): 650,00 KM
    - ii. Podaci na nivou dana trgovine: svi gore navedeni podaci po danu trgovine: 250,00 KM
  - Godišnji izvještaji za periode koji nisu obuhvaćeni redovnim godišnjim izvještajima SASE:
    - i. Sumarni podaci (ukupan promet KM, ukupan promet VP, ukupan broj transakcija, promjena vrijednosti indeksa i tržišne kapitalizacije, zbirni prometi po simbolu): 1500,00 KM
    - ii. Podaci na nivou dana trgovine: svi gore navedeni podaci po danu trgovine: 2500,00 KM
- c) Statistički pregledi koji nisu obuhvaćeni prethodnim kategorijama: na osnovu bilateralnog ugovora sa naručiocem usluge

Ovi statistički podaci namijenjeni su isključivo internoj upotrebi. Svaka daljna distribucija i komercijalna upotreba podložna je zaključenju ugovora radi zaštite autorskih prava i dogovorenih uvjeta korištenja.

### **Član 30.**

Naknada za održavanje 2-satne prezentacije (predavanje + pitanja i diskusija) o različitim aspektima berzanskog poslovanja na zahtjev iznosi 500,00 KM ukoliko je obezbjeđena sala sa kompletnom opremom.

### **Član 31.**

Iznos naknade za data vendore koji podatke sa Berze redistribuiraju putem svojih terminala ili putem svojih internet stranica, regulišu se posebnim ugovorom između Berze i Data Vendora i predstavljaju poslovnu tajnu za treća lica.

## **NAKNADA ZA KORIŠTENJE BIS-a**

### **Član 32.**

Za korištenje BIS-a (Bernog Informacionog Sistema) za objavljivanje izvještaja i ostalih obavještenja emitenata naknada iznosi 400,00 KM na godišnjem nivou.

Naknada se plaća u skladu sa dostavljenom fakturom i odnosi se na osnovni paket koji uključuje sljedeće objave: jedan godišnji finansijski izvještaj, jedan polugodišnji finansijski izvještaj, jedno obavještenje o zakazivanju redovne godišnje skupštine, jedno obavještenje o zakazivanju vanredne skupštine, objave o isplati dividende i objave koje se tiču ažuriranja podataka u profilu emitenta kao što su podaci o statusnim promjenama (promjena naziva i sjedišta, promjene lica u organima upravljanja i sl.).

Svaka naredna objava emitenta van osnovnog paketa iz prethodnog stava iznosi 70 KM po pojedinačnoj objavi.

Za emitente koji ne zaključe ugovor sa berzom u pogledu plaćanja naknade na godišnjem nivou iz prethodnog stava fakturisat će se naknada po pojedinačnoj objavi koja iznosi 250,00 KM.

**Član 32a.**

Naknada za uslugu objave informacija Otvorenih investicijskih fondova na web stranici SASE iznosi 100,00 KM na mjesečnom nivou.

**Član 33.**

Uprava Berze ima pravo druge usluge Berze koje nisu obuhvaćene ovim cjenovnikom, uračunati u skladu s prirodom i obimom datih usluga.

Uprava Berze ima pravo davati promocijske i druge popuste korisnicima do 10% za pojedinu uslugu po klijentu, vodeći računa o finansijskom stanju Berze. Za popuste preko 10% potrebna je saglasnost Nadzornog odbora.

Odluke Uprave Berze vezane za ovaj član, verifikuje Nadzorni odbor na prvoj narednoj sjednici.

**NAKNADE ZA USLUGE BERZE U OKVIRU PONUDE ZA PREUZIMANJE DIONIČKIH DRUŠTAVA**

**Član 33a.**

Za usluge koja Berza pruža ponudiocu u okviru postupka ponude za preuzimanje dioničkih društava određuju se naknade, kako slijedi:

- a) Izdavanje potvrde o cijeni: 250,00 KM;
- b) Objava namjere o provođenju ponude za preuzimanje: 150,00 KM;
- c) Objava ponude za preuzimanje: 150,00 KM;
- d) Objava mišljenja Uprave i Nadzornog odbora o ponudi za preuzimanje: 150,00 KM;
- e) Objava rezultata ponude za preuzimanje: 150,00 KM;
- f) Potvrda Berze o suspenziji vrijednosnog papira iz trgovine, u okviru procedura za istiskivanje manjinskih dioničara: 250,00 KM;
- g) Svaka druga objava na web-stranici SASE u procesu preuzimanja dioničkih društava: 100,00 KM.

**SASE NEWSLETTER**

**Član 33b.**

Za korištenje usluge "SASE NEWSLETTER" koja uključuje najznačajnije vijesti emitenata (obavijest o isplati dividendi, obavijest o sazivanju skupštine i sl.) naknada iznosi 240,00 KM na godišnjem nivou. Naknada se fakturiše unaprijed za svaku kalendarsku godinu.

Za primaoc "SASE NEWSLETTER" koji ne zaključe ugovor sa berzom u pogledu plaćanja naknade na godišnjem nivou iz prethodnog stava fakturisat će se mjesečna naknada koja iznosi 20,00 KM.

**POREZ NA DODATU VRIJEDNOST**

**Član 34.**

Svi iznosi su navedeni bez poreza na dodatu vrijednost (PDV), koji Berza korisnicima usluga uračunava u skladu sa odgovarajućim zakonom iz ove oblasti.

## **VAŽENJE ODLUKE**

### **Član 35.**

Ovaj Cjenovnik je na prijedlog Uprave, donio Nadzorni odbor “Sarajevske berze-burze vrijednosnih papira”, a isti stupa na snagu dobijanjem saglasnosti od strane Komisije za vrijednosne papire Federacije BiH.

Po dobijanju saglasnosti Komisije za vrijednosne papire, ovaj Cjenovnik će se objaviti na internet stranici Sarajevske berze – burze.

### **Član 36.**

Stupanjem na snagu ovog Cjenovnika prestaje da važi Cjenovnik Berze br. 80/ 1 – 209/09 od 23. 03. 2009. godine, kao i sve njegove izmjene i dopune.